

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-1321/15
Sarajevo, 07.10.2015. godine

**DOMU NARODA
PARLAMENTA FEDERACIJE BIH**

Na 1. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 07.10.2015. godine razmatrane su sljedeće tačke dnevnog reda:

- 1. Prijedlog odluke o izmjenama i dopunama Budžeta Federacije Bosne i Hercegovine za 2015. godinu - hitni postupak,**
- 2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu - hitni postupak,**
- 3. Dokument okvirnog budžeta Federacije Bosne i Hercegovine za period 2016. - 2018. godina,**
- 4. Prijedlog zakona o izmjenama i dopunama Zakona o visini stope zatezne kamate na javne prihode - hitni postupak,**
- 5. Prijedlog zakona o izmjenama i dopunama Zakona o budžetima u Federaciji Bosne i Hercegovine - skraćeni postupak,**
- 6. Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke (EIB) za realizaciju Projekta Koridor Vc (Koridor Vc Počitelj - Bijača),**
- 7. Izvještaj o izvršenju Budžeta Federacije Bosne i Hercegovine za period 1.1. -30.6. 2015. godine,**
- 8. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od strane RMU „Banovići“ Banovići,**
- 9. Informacija o vanjskom i unutrašnjem dugu u Federaciji Bosne i Hercegovine na dan 31.12.2014. godine.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za ekonomsku i razvojnu politiku, finansije i budžet podnosi Domu naroda sljedeći:

IZVJEŠTAJ

1. Prijedlog odluke o izmjenama i dopunama Budžeta Federacije Bosne i Hercegovine za 2015. godinu– hitni postupak

Nakon uvodnog izlaganja i obrazloženja predloženih izmjena i dopuna Budžeta Federacije Bosne i Hercegovine za 2015. godinu koje je dao predstavnik predlagača, obavljena je sveobuhvatna rasprava u kojoj su učestvovali svi prisutni članovi Odbora.

Imajući u vidu objašnjenja iznesena od strane predstavnika predlagača članovi Odbora, ne dovodeći u pitanje usvajanje predloženih izmjena i dopuna Budžeta Federacije Bosne i Hercegovine za 2015. godinu, većinom glasova usvojili su sljedeći Zaključak koji predlažu Domu naroda na usvajanje:

ZAKLJUČAK

Članovi Odbora predlažu Domu naroda da **razmotri i usvoji Prijedlog odluke o izmjenama i dopunama Budžeta Federacije Bosne i Hercegovine za 2015. godinu po hitnom postupku.**

2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu– hitni postupak.

Članovi Odbora su upoznati sa obrazloženjem Prijedloga zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu od strane predstavnika predlagača koji je, istovremeno, dao i dodatna objašnjenja i odgovore na postavljena pitanja. Nakon rasprave, članovi Odbora većinom glasova **predlažu Domu naroda da razmotri i usvoji Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu.**

3. Dokument okvirnog Budžeta 2016. - 2018. godina

Imajući u vidu činjenicu da Dokument okvirnog Budžeta 2016. - 2018. godina čini sastavni dio nacrtu Budžeta za 2016. godinu, kao informativni dodatak, članovi Odbora predlažu Domu naroda da usvoji sljedeći:

ZAKLJUČAK

Članovi odbora za ekonomsku i razvojnu politiku, finansije i budžet predlažu Domu naroda da se Dokument okvirnog Budžeta 2016. - 2018. godina, kao predložena tačka dnevnog reda za sjednicu Doma naroda, **skine s dnevnog reda**, te da se razmatra zajedno sa Nacrtom Budžeta Federacije Bosne i Hercegovine za 2016. godinu.

4. Prijedlog zakona o izmjenama Zakona o visini stope zatezne kamate na javne prihode - hitni postupak

U uvodnom izlaganju predlagač je upoznao članove Odbora sa predloženim izmjenama i ciljevima koji se žele postići. Istaknuti su pozitivni efekti izmjena postojećeg zakona koji je bio temporalnog karaktera, te se u tom cilju prvenstveno predlažu i ponovne izmjene postojećeg zakona.

U obavljenoj raspravi članovi Odbora nisu imali primjedbi na Prijedlog Zakona o izmjeni zakona o visini stope zatezne kamate na javne prihode, **te predlažu Domu naroda da ga razmotri i usvoji po hitnom postupku.**

5. Prijedlog zakona o izmjenama i dopunama Zakona o budžetima u Federaciji Bosne i Hercegovine - skraćeni postupak

Predstavnik predlagača upoznao je članove Odbora da su predložene izmjene i dopune zakonskih rješenja inicirane usklađivanjem sa Zakonom o prekršajima („Službene novine Federacije BiH“, broj 63/14) kao i međusobnim usaglašavanjem članova postojećeg Zakona u kojima se utvrđuje osnovica za tekuću rezervu, propisuje mogućnost izvršavanja pojedinih stvorenih obaveza za vrijeme trajanja odluke o privremenom finansiranju te donošenje provedbenih akata u cilju bolje procjene finansijskih efekata predloženih i usvojenih zakonskih rješenja.

Imajući u vidu sve navedeno, članovi Odbora nisu imali primjedaba, **te predlažu Domu naroda da Prijedlog zakona o izmjenama i dopunama Zakona o budžetima u Federaciji Bosne i Hercegovine razmotri i usvoji po skraćenom postupku.**

6. Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke (EIB) za realizaciju Projekta Koridor Vc (Koridor Vc Počitelj - Bijača)

Imajući u vidu da se radi o povoljnim uslovima za dobivanje kreditnih sredstava sa dugoročnim rokovima otplate kao i rokom odgode otplate od šest godina, članovi Odbora nisu imali primjedaba na navedeni prijedlog odluke, te jednoglasno predlažu Domu naroda da Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke (EIB) za realizaciju Projekta Koridor Vc (Koridor Vc Počitelj - Bijača) **razmotri i odobri.**

7. Izvještaj o izvršenju Budžeta Federacije Bosne i Hercegovine za period 1.1. – 30.6. 2015. godine,

Predstavnik predlagača upoznao je članove Odbora sa podacima o izvršenju Budžeta Federacije BiH za period 1.1.-30.6. 2015. godine te osnovnom strukturom prihoda i rashoda.

Članovi Odbora predlažu Domu naroda **da Izvještaj o izvršenju Budžeta Federacije Bosne i Hercegovine za period 1.1. – 30.6. 2015. godine razmotri i prihvati.**

8. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od strane RMU „Banovići“ Banovići

Članovi Odbora su upoznati sa Informacijom o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od strane RMU „Banovići“ Banovići te predlažu Domu naroda da usvoji slijedeći Zaključak, koji je predložila Vlada Federacije BiH:

ZAKLJUČAK

1. Dom naroda prihvata Informaciju o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od strane RMU „Banovići“ Banovići.
2. Dom naroda daje prethodnu saglasnost na predloženi izbor ponuđača Dongfana Electric Corporation Limited – DEC Kina za strateškog partnera za finansiranje i izgradnju Termoelektrane Banovići, Blok 1-350 MW, kao i predložene aktivnosti iz tačke 6.1. Proces finalizacije iz Informacije iz stava 1. ove tačke.
3. Dom naroda obavezuje Vladu Federacije BiH da redovno informira Parlament Federacije Bosne i Hercegovine o provođenju aktivnosti iz tačke 1. ovog zaključka, te da blagovremeno dostavi Parlamentu Federacije Bosne i Hercegovine na razmatranje, odgovarajuće dokumente i akte, uključujući i potrebne ugovore, radi davanja saglasnosti ili donošenja odgovarajućih odluka, u skladu sa važećim zakonima.
4. Konačan izbor strateškog partnera za finansiranje i izgradnju Termoelektrane Banovići, Blok 1-350 MW obaviti će se tek nakon saglasnosti Vlade Federacije Bosne i Hercegovine i Parlamenta Federacije Bosne i Hercegovine, uz obavezu donošenja odluke Skupštine društva RMU „Banovići“ o davanju saglasnosti na konačni prijedlog izbora strateškog partnera za finansiranje i izgradnju Termoelektrane Banovići, Blok 1-350 MW.

9. Informacija o vanjskom i unutrašnjem dugu u Federaciji Bosne i Hercegovine na dan 31.12.2014. godine

Predstavnik predlagača upoznao je članove Odbora sa obavezama i dugom Federacije BiH, te konstatovao blagi trend pada vanjskog duga Vlade Federacije BiH. Članovi Odbora istakli su problem dvostrukog vraćanja kredita, tj. problem obaveze vraćanja duga za kantone i niže nivoe vlasti koja i ne koriste kreditna sredstva za koja vraćaju dug. U raspravi je istaknuto da, iako se razmatra samo informacija, ovo pitanje, treba problematizirati i što hitnije rješavati, u smislu paralelne izmjene zakonskih rješenja prvenstveno Zakona o dugu, zaduživanju i garancijama i Zakona o pripadnosti javnih prihoda u Federaciji BiH.

Članovi Odbora većinom glasova su primili Informaciju k znanju te predlažu Domu naroda da istu razmotri i primi k znanju.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet

Muhamed Kozadra, s.r.